

АНУ-ЫН МЭДЭЭЛЛИЙН ХЭРЭГСЭЛ, ҮЙЛЧИЛГЭЭНИЙ ХҮРЭЭНД ТАРААХ ЗОРИЛГОГҮЙ БОЛНО. ЭНЭХҮҮ ХЯЗГААРЛАЛТЫГ ЗӨРЧСӨНӨӨР АНУ-ЫН ҮНЭТ ЦААСНЫ ТУХАЙ ХУУЛИЙГ ЗӨРЧИХ МАГАДЛАЛТАЙ.

ЭРДЭНЭ РЕСУРС-Д ЭРИК СПРОТТ \$15 САЯ КАНАД ДОЛЛАРЫН ХӨРӨНГӨ ОРУУЛЖ, НИЙТ \$20 САЯ КАНАД ДОЛЛАРЫН САНХҮҮЖИЛТИЙН БАГЦЫГ ТАНИЛЦУУЛЛАА

САНХҮҮЖИЛТИЙГ ХӨНДИЙ АЛТНЫ ДҮҮРГИЙН ХАЙГУУЛ БОЛОН ХӨГЖҮҮЛЭЛТЭД ЗАРЦУУЛНА

Хэвлэлийн мэдээ

Нова Скошиа, Халифакс хот
2020.07.23

Эрдэнэ Ресурс Девелопмент Корпораци (TSX:ERD | MSE:ERDN) (“Эрдэнэ Ресурс” эсвэл “Компани” гэх) нь нийт хаалттай санхүүжилтийн хүрээнд \$20 сая кан.долларын хөрөнгө оруулалт татан төвлөрүүлж байгаа бөгөөд ноён Эрик Спротт \$15 сая кан.долларын хөрөнгө оруулж, санхүүжилтийн багцын тэргүүн захиалагч болсныг дуулгахад таатай байна. Энэхүү санхүүжилтийн тэргүүн зөвлөхөөр Paradigm Capital, хамтрагч санхүүгийн зөвлөхөөр Haywood Securities ажиллалаа.

Эрдэнэ Ресурсийн ерөнхийлөгч, гүйцэтгэх захирал Петер Акерли хэлэхдээ: “Ноён Спроттыг Эрдэнэ Ресурсийн томоохон хөрөнгө оруулагч болж байгаад бид баяртай байна. Түүний хөрөнгө оруулалт нь Эрдэнэ Ресурсийн 100% эзэмшдэг өндөр агуулга бүхий Баян Хөндий алтны төсөл, цаашлаад Хөндий Алтны Дүүргийн ирээдүйн боломжийг илэрхийлж байна. Энэхүү санхүүжилтийг анхан шатны бүтээн байгуулалт, өндөр агуулга бүхий нөөцийг тэлэх хайгуулын хөтөлбөрүүдийг хэрэгжүүлэхэд зарцуулна.”

Дээрх санхүүжилтийн хүрээнд тус бүрийг \$0.45 кан.доллараар үнэлсэн 33,333,333 нэгж захиалгын баримт (“Subscription Receipts”)-ыг ноён Эрик Спроттын эзэмшдэг хуулийн этгээд худалдан авч, түүнтэй зэрэгцэн тус бүрийг \$0.45 кан.доллараар үнэлсэн 11,111,111 ширхэг үнэт цаасны нэгжийг гаргасан. Захиалгын баримтууд нь үнэт цаасны нэгжид хөрвөх боломжтой бөгөөд үнэт цаасны нэгж бүр нь Компанийн нэг энгийн хувьцаа болон энгийн хувьцаа худалдан авах эрх болох нэг варрант (“Варрант”)-аас бүрдэнэ. Варрант бүр нь санхүүжилт хаагдсанаас хойш хоёр жилийн хугацаанд нэг энгийн хувьцааг \$0.60 кан.доллараар худалдан авах эрхийг олгоно.

Энэхүү хаалттай санхүүжилтийг Баян Хөндий алтны төслийн хайгуул хөгжүүлэлт болон бусад эргэлтийн хөрөнгөд зарцуулна. Захиалгын баримтын орлогыг хаалтын өдрөөр дундын дансанд байршуулж, шаардлагатай зохицуулагч байгууллага болон Европын Сэргээн Босголт, Хөгжлийн Банкны зөвшөөрлүүд (“Зөвшөөрлүүд”) олгогдсоноор гүйлгээ хийх эрх нээгдэнэ. Зөвшөөрлүүдийг хүлээн авснаар захиалгын баримтууд нь нэмэлт нөхцөлгүйгээр үнэт цаасны нэгжид хөрвөнө. 2020 оны 10 сарын 31-ээс өмнө зөвшөөрлүүдийг аваагүй тохиолдолд захиалгын баримт нь цуцлагдан,

захиалгын хөрөнгө нь буцаан олгогдоно. Одоогийн байдлаар ноён Спротт нь Эрдэнэ Ресурсийн үнэт цаасыг эзэмшдэггүй.

Канад Улсын үнэт цаасны тухай хуулийн дагуу санхүүжилтийн хүрээнд гаргасан үнэт цаас нь санхүүжилт хаагдсанаас хойш 4 сарын хугацаанд арилжихгүй байх үүрэг (“hold period”) хүлээнэ.

Энэхүү хэвлэлийн мэдээ нь АНУ-д үнэт цаас худалдах саналыг агуулаагүй болно. Хаалттай санхүүжилтийн хүрээнд босгож буй энэхүү хөрөнгө оруулалтыг АНУ-ын үнэт цаасны акт болон бусад мужийн үнэт цаасны тухай хууль тогтоомж, бүртгэлээс чөлөөлөгдөх боломжтой иргэдээс бусад тохиолдолд АНУ-ын үнэт цаасны акт, аливаа мужийн үнэт цаасны тухай хуулийн хүрээнд санал болгоогүй бөгөөд ирээдүйд санал болгохгүй.

Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь өндөр агуулга, бага зардал, бага анхан шатны хөрөнгө оруулалт бүхий Баян Хөндий Алтны Төслийг хөгжүүлж байгаа бөгөөд 2022 оны эхээр алт олборлолтыг эхлэхээр төлөвлөж байна. Компани нь Монгол улсын баруун өмнө бүсэд хайгуул хийх эрх бүхий 3 хайгуулын, 3 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд гуравдагч талаас авах зөвшөөрлүүд (“Зөвшөөрлүүд”) эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал

Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp-/>

YouTube: <https://www.youtube.com/channel/UCILs5s9j3SLmya9vo2-KXoA>